



攻媿先生文集卷第一百十九

北行日錄上

時待次温州教授隨侍充公守
括蒼受仲舅汪尚書大猷之辟

乾道五年己丑

十月九日辛卯邸報仲舅侍郎充賀正使曾總

管觀副之

十日壬辰蔡興以仲舅書來辟充書狀官二親

十一日許一行是日游南園微雨

十一日癸巳雨倣裝

十二日甲午陰

十三日乙未雨

十四日丙申雨李器之以鳳樓梧餞行

十五日丁酉雨周仁父約同登途

十六日戊戌晚晴仁父酌別於少微閣醉中唱

和

十七日己亥晴

十八日庚子晴飯後別二親徑出城張子質一

見於驛亭仲兄器之元聲弟漳相送至壽寧

寺仁父繼至飲罷東行宿巖泉夏家店去城

十五里

十九日辛丑晴行二十里飯午頓驛行二十五

里宿荆山上方

二十日壬寅晴早登小樓眺望行十里飯蔣家

店過縉雲縣少候仁父即行道經放生潭山

水秀發策杖縱觀間有趙侯廟鄉人敬之石

有如杖如履如壑如舟者皆以侯名雙頭巖

白巖烏巖皆奇偉白巖峭立臨溪松竹秀潤

烏巖下有石室端植如門渡溪入仙都五虛

宮路回顧南岸石笋森列有亭翼然僕夫曰

此初陽谷也中有石鼓叩之有聲以旣濟不

復往路轉山回已見獨峯大松夾立清溪映帶眇視林間有巨石屹據如雪且行且觀遇道童問石之名云有洞名忘歸旣懲初場之失遂回登焉洞中可容數十人四旁嵌空如出鑿斷旁有小洞一石橫陳如臺松風清微俯和湍瀨是真使人忘歸也下行里許益近獨峯峯之上相傳有鼎湖嘗有巨蓮葉因風而下石壁隱隱有車輒世言黃帝由此飛昇塘曰黃履言遺履之地地曰靜樂言鈞天至此而不聞峯後大山如屏奇石皆萃始望之

二 高列峯外自謂儻登其上必可俯瞰鼎湖下有銳石僅如一竿及即之後山靡迤而退聽石笋亦不可致及而此峯獨上摩穹漢巍然削立無階而升人有捫蘿登後山之巔者猶覓未及強半是知此峯真衆山之宗非凡日所可窺測也後山有石空洞躋攀而上一竇通明昔劉先生於竇之外橫木為床以居至今遺篋猶在號隱真洞高不可登悵望久之循峯而北又有仙水洞一名鏡巖懸崖數十尺級石以上石罅有水僅如屋漏終古不竭

下鑿小泓貯之名公遺墨鏡滿四壁迂叟介
夫趙清獻公皆在焉携酒對酌清坐移時亦
記歲月而還再至峯下大書姓字小憩宮前
兩亭顧瞻偉觀兀不得去洞心駭目生所未
見入據上方相与痛飲賦詩醉墨淋漓揮掃
滿壁秉燭朗誦傍若無人詩榜槪比蓋自香
山居士而下不知其幾閱十之三四不能尽
讀也宮前有門書祈僊總真洞天是日行回
十五里

二十一日癸卯晴早復筆詩于版各置醉墨高

慶謁黃帝祠宇李陽冰篆額今留縣庠間有
上宮名妙庵相去三里而近它無勝槩有洞
名金龍一竇通獨峯下僅容小兒出入而其
中甚寬宣和間嘗以金龍鎮之為睦寇盜去
脚力既倦不能窮歷出門相羊峯下絕溪而
西數里間山川猶競秀未已有徐氏小亭橫
跨練溪小憩而行三十里飯黃碧村醪醇醖
不殊家釀二十八里宿和尚店去李溪猶二里
會倅廳下兵楊靖自紹興回因發家書第
一封錄所題仙都二詩寄仲兄

二十二日甲辰夜微霰早陰晴行二十七里飯
諸鹿行三十餘里至龍窟行五里宿尚書塘
二十三日乙巳晴行二十里飯楊溪仁父由新
塘路之四明分袂于此田間行久之猶能相
望將入山舉手一揖而別四十里宿橫塘暮
嶺間張家店途中惟售溪坊酒頗佳然比之
黃碧味不及而價又三倍深夜微雨即霽
二十四日丙午晴行十餘里入東陽縣先見同
年姚尉瀛次見王宰揖為諸卒批旁小憩一
店尉已先至再三留一飯力辭之行十里飯

爰頭孫家渡溪行五十里宿余店蓋過蘓絡
八里矣夜微雨

二十五日丁未微雨作而復止行二十二里飯
羅嶺下篆坑何店行三十五里宿義井夏店
過牌頭十里

二十六日戊申晴風過平歷遇客將李濬等回
發家書第二封行三十里飯高擁揚家行三
十五里宿灰窰頭於店

二十七日己酉晴行三十里飯溪口傳店行三
十里宿漁浦鎮上朱店東陽士人周忠厚同

十里 郊清話久之夜分小雨作

二十八日庚戌微雨辰巳間晴早作飯了同周

君行數里三憩方到渡頭裝載既畢潮落舟

膠監渡后君以小舟般剥已又加一舟蕩元

波間久之大舟既前復挈行李裝載勞擾良

甚又艤棹食頃挽繹徐行近廟山姑用櫓潮

上方急篙櫓努力欲進為山石所激進寸退

尺舟人失色少縱復上久方得過又挽行十

餘里雨霽風靜一波不興至六和塔下登岸

受觀已薄暮矣驅馳至嘉會門閉關已久宿俞家

店是日又有松陽一士人姓葉同渡

二十九日辛亥晴早起入城館於仲舅家飯罷

侍叔舅同去偽謁副使曾總管因登三茅山

上步司教場觀仲舅習射夜發家書第三封

三十日壬子晴同去偽見劉察院待范郎中成

天久之竟不見客次遇蔡架閣霖去歲書狀

三官也又遇留丞正臣飯季舅家發承局繆欽

歸以第三書行

十一月 一日癸丑晴講禮何季膺葉先生憲平問立監

一 丞尤監簿彙訪及仲舅赴副使會

二 日甲寅晴同去偽習儀都亭驛部中見梁監

問取珩范文呂郎中正已赴景孟舅晚飯

三日乙卯晴習儀驛中已不及習於叅政府梁

郎中訪及

四 日丙辰天明微雨即霽使副以下習儀驛中

閱禮物授衣衫翟楫及承局翁葉行兩發家

書仲舅招副使飯

五日丁巳晴習儀政府候黃御藥甚久周邵州

伯嚴王智爽沈尉德潤葉主管蕭訪及

六 日戊午晴驛中大習儀使副以下備衣冠賈

國信站六知閣張說張掄宋鈞宋楷來歸寫

奏藁

七日己未雨侍叔舅偕去偽赴何季膺陳玆強

早飯於豐樂樓

八 日庚申陰發行李上舡

九 日辛酉雨下迤檐籠

十日壬戌晴飯了登舟高伯定判君任送出門

張伯純判邦遠送過赤岸景孟舅姜子用沈

澤遠王智爽約送長河

十一日癸亥晴飯時過長河九十里遣第六書
發周德焄午過崇德蘇彭年來近水縮舟膠
牽挽寸進更初遇士穎弟子官窰

十二日甲子晴飯時過永樂行二十七里至秀
州仲舅入城回謁閘頭登舟風作李同年唐
鄉相見

十三日乙丑晴四更行六十里過平望姚漕相
訪仲舅破睡見之行四十五里過吳江又行
四十五里至平江仲舅入城回謁船由城外
至閘門叔舅別去一夕行九十里

十四日丙寅晴早到無錫携刺謁孫饒州父子
中途聞其入城遂謁喻郎中樗以謝去春先
辱魏子師子智訪及行九十里深夜去毗陵
數里泊

十五日丁卯晴生朝作湯餅遣人訪李表兄長
卿已同王直父候于門蘇彭年亦來皆延入
船相見王江陰正已惠茶并公醞蘇李別于
荆谿館直父同行十里待書而別徐協恭送
船棊戰三十六里過奔牛又十八里過呂城
月明水深挽舟甚駛夜行五十四里過丹陽

縣約五更矣

十六日戊辰晴行二十七里小泊新豐又二十

七里過丹徒鎮行三十六里午後到鎮江以

水溢良久方抵丹陽館沈抑強中立既迓于

門又携具館下恊恭同集使人通問於王侍

御

十七日己巳晴上館與柳仲舅欲同謁王侍御

而侍御已在門侍季舅同沈抑強去偽別侍

御聞泊舟金山因約同遊窮覽勝處王僧賓

印首座心鑑皆嘉州人侍御方赴夔州不謂

得見於此以小詩道別又辱和篇入船別其

家遂歸仲舅招副使早飯抑強復携具來嚴

墨鄉同集二鼓方散

十八日庚午晴四更起天微明即從使副到江

平先登舟以待沈嚴二君相送晴和無風俄

頃至瓜洲登岸未幾風作胡撫幹仲文俞尉

茂先陸泰興况相迓候行李上坐船即行薄

暮至揚州城中水溢更餘方出城發第七書

通親庭

十九日辛未晴三鼓報送伴鍾尚書世明等回

仲舅起相見前處州湯路分途時為鍾引接
送狼頭帽五指子各一副拂手香四貼為發
親庭第八書又以小舟采過仲舅方與胡漕
對語因與湯畧見於舟外少選鍾尚書徐
知閣本中船到仲舅見之約四更方得行辰
時到邵伯去揚州纔四十五里以夜來留滯
故爾張帆而行三十里過露筋三十里到高
郵仲舅入城回謁兩岸然草如晝三十里夜
過塘頭

二十日壬申晴三十里過界首二十五里過范

水三十五里至寶應夜風雨行三十里過黃
蒲二十里過平柯橋

二十一日癸酉晴辰時到楚州仲舅入城回謁
登熙臺應山陽藏密晏判官誌一揖於舟次
三十里過磨盤三十里夜過淮陰三十里過

聞家峰

二十二日甲戌晴三十里到洪澤前去歐家渡
極淺款為舥剝計使副借潮於瀆頭神東北
風作款候酉潮而申初已應開閘張帆三十
里過瀆頭使副上廟掛幡又過數里舟膠而

止

二十三日乙亥晴未明東北風大作潮亦先期而應談笑過歐家渡去瀆頭十五里一行人歡呼而行且感神貺之如響也行十五里至龜山以風大不可出淮擺泊山下見監鎮王九思魯同舍

二十四日丙子晴早出淮三十里至盱眙泊燕館下龔守鑿携具宴使副約季舅去偽分冬發家書第九封附遞

二十五日丁丑晴冬至早起乘馬陪使副天慶

觀朝拜歸館望拜兩宮各展賀偕季舅去偽遊第一山玻璃泉冰不可酌遍觀磨崖石刻見周司法深譙提轄熙載王幹辦茂龔守

就館請使副早食軍衙晚食

二十六日戊寅陰晴使副以下具衣冠習儀館中依例就皇華館犒三節人

二十七日己卯晴盱眙客將李室渡淮探問接伴使副已到泗州使副赴龔守晚會偕季舅去偽赴王幹辦之招

二十八日庚辰晴掌儀引接等渡淮傳街少頃

同北引接禮信司高瑄等傳到接伴使副名
街正使昭武大將軍行尚書吏部郎中上輕
車都尉彭城郡開國伯食邑七百戶唐括安
德副使朝奉大夫侍御史騎都尉廣陵縣開
國男食邑三百戶賜紫金魚袋高德裕使副
坐燕館湏具至犒以三盃而去移舟淮亭使
副燕亭上偕季舅去偽赴譙提轄會發第九
書遣呂葵張吉歸

二十九日辛巳天明雪作使副已下已時渡淮
至泗州草館望拜如儀各就幕次三節人互

參使副使副互展起居狀茶酒三行上馬入
城天色開霽和氣翕然至館分位是日季
舅別

十二月

一日壬午晴車行六十里臨淮縣早頓縣境有
徐城本徐國羸姓有徐君墓季札掛劍之所
又八十里宿青陽鎮驛臨淮尉奪客牛以駕
車為客所訴鞭條子八十虜法士夫無免撞
撻者太守至捷同知又聞宰相亦不免惟以
紫褥藉地少異度僚耳

二日癸未晴風車行八十里虹縣早頓城門不
容車乘馬入驛市井多在城外驛之西有古
寺大屋二層瓦以瑤璃柱以石間其上多米
元章諸公遺刻三年前於寺中待使客飯後
乘馬行八十里宿靈壁行數里汴水斷流人
家獨處者皆燒折去聞此虜新法路旁居民
十
尺令移就鄰保恐藏姦盜遠者焚其居有一
鹿起草間截馬前西去兩岸皆奇石近靈壁
東岸尤多皆宣政花石網所遺也虞姬墓在
西岸荒草中橫安二石板相去尺餘隆興間

我得泗虹以此墓為界縣外山上有叢祠漢
高帝廟也淮北荒涼特甚靈壁兩岸人家皆
瓦屋亦有小城始成縣道有粉壁云隼南京
郡轉運帖理會買撲坊場迺鋪皆築小塢四
角掉皂旗過賀正人使先排兩馬南去虜法
金牌走八騎銀牌三木牌二皆鋪馬也木牌
最急日行七百里軍期則用之

三日甲申晴車行六十里靜安鎮早頓又六十
里宿宿州自離泗州循汴而行至此河益堙
塞幾與岸平革馬皆由其中亦有作屋其上

州城新築雉堞甚整聞是五月下旬上畔音
揮重修限四旬畢工費一出於民城中人物
頗繁庶麵每斤二百一十粟穀每斗百二十
粟米倍之陌以六十大寺數所皆承平時物
酒樓二所甚偉其一跨街榜曰清平護以葦
蓆市肆列觀無禁老者或以手加額而拜有
倒卧脚引書鋪般般官局湯藥蔡正經家餅
子風藥云州二里許二即廟前有下馬亭即
李顯忠斬李福李保之地驛舍鄰郡治顯忠
駐軍于此破城之初每兵止攜以三饗士卒

憤惋及逃歸創殘之士不能自力悉碎於虜
手為數坑埋之中庭有井自投者尤多負郭
縣曰符離項羽破漢軍於靈壁東睢水為之
不流即此縣界

四日乙酉陰晴風作車行四十五里蘄澤鎮早
頓又四十五里宿柳子鎮晚小雪即止

五日丙戌霜寒頗力行人鬚髮皆冰六十里永
城縣早頓驛中枕有灯縣本芒敬丘二縣地
有芒山与碭山相接漢高帝隱於此漢更敬
丘為太丘陳寔嘗為長故城在今縣西北又

七十里宿會亭鎮

六日丁亥霜晴車行四十五里沙山岡換驢三
十五里穀熟縣早頓縣即商之南臺湯所都
也縣外有虹橋跨汴甚雄政和中造今兩傍
築小土墻且弊損不可行絕河以入又二十
四里至金果園果木甚多馬行十八里入南
京城市井益繁現者多閉戶以窺夾道甲騎
百餘城外及驛前皆步兵大樓曰睢陽製作
雄古傾圯已甚驛曰睢陽穀熟甲卒自言西
人月請伍百短錢聞本朝養兵之豐其感

不已南京城樓側有亭名解愠承應人有自
言姓趙者不欲窮問之云城中猶有徐太宰
路樞密鄭宣徽寺大宅多為官中所占亦有
子孫居者按此地即高辛氏子閼伯所居商
丘也武王封微子啓是為宋國後唐以為歸
德軍節度本朝以王業所基景德四年升
應天府祥符七年升南京虜改曰歸德府漢
梁孝王所都兔園平臺鴈鷺池蓼堤皆在此
春秋隕石五猶存
七日戊子晴車行六十里寧陵縣早頓古葛伯

國湯所征也魏信陵君無忌封於此又六十
里宿拱州本襄邑縣屬開封崇寧四年建名
輔州以為東輔又改拱州治襄邑本宋承匡
襄陵鄉也襄公所葬故曰襄陵虜曰濰州
八日己丑晴車行六十里雍丘縣早頓縣故杞
國武王封禹後東樓公故至今土人猶曰杞
縣祖述鎮此以禦石勒園城鎮在東南本漢
國縣屬睢陽國王莽擊翟義為京現於此漢
外黃縣故城在東又有葵丘齊威公所會也
承應人杜從自言邑手分邑有令簿尉酒稅

都監同監共五員二稅輸粟及米亦納絹但
薄而小此間只是舊時風範但改變衣裝耳
又行二十里過空桑伊尹所生之地也又里
餘過伊尹墓唯一大枯木在側斷碑卧其下
曰湯相伊尹之墓又數里過三塚駕車人自
言姓趙云向來不許人看南使近年方得縱
觀我鄉里人喜見南家有人被虜過來都為
藏了有破軍子搜得必致破家然所甘心也
宿陳留縣去雍丘六十里驛中有蒼柏可愛
縣本鄭邑為陳所并故名

九日庚寅晴車行四十五里道傍多陂塘路頗迂回古塚相望發掘無遺至東御園小亭少憩使副以下具衣冠上馬入東京城虜曰南京新宋門舊曰朝陽虜曰弘仁城樓雄偉樓櫓壕塹壯且整夾濠植柳如引繩然先入甕城上設敵樓次一甕城有樓三間次方入大城下列三門冠以大樓由南門以入內城相去尚遠城外人物極稀疎有粉壁曰信陵坊益無忌之遺迹城裏亦彫殘街南有聖倉屋甚多望見婆臺寺塔云城破之所街北望見

景德開寶寺二塔并七宝閣寺上清儲祥宮頽毀已甚金榜犹在皮場廟甚飾雖在深處有望柱在路側各掛一牌左曰皮場儀門右曰靈應之觀又有藥將軍廟頽垣滿目皆大家遺址入舊宋門舊曰麗景今曰賓曜亦列三門由北門入尤壯麗華好門外有廟曰靈護兩門裏之左右皆有闕亭門之南即汴河也故街南無巷街北即甜水巷過鄭太宰宅西南角有小樓都人列觀間有耆婆服飾甚異戴白之老多歎息掩泣或指副使曰此必

宣和中官負也相國寺如故每月亦以三八日開寺兩塔相對相輪上銅珠尖左暗右明橫過大內前逆亮時大內以遺火殆盡新造一如舊製而基址并州橋稍移向東大約宣德樓下有五門兩傍朵樓尤奇御廊不知幾間二樓時起其中浮屋買賣者甚衆過西御廊數十步過交鈔所入都亭驛五代上元驛基本朝以待遼使猶是故屋但西偏已廢為瓦子矣

十日辛卯陰晴散泊承應人有及見承平者多

能言舊事後生者亦云見父母備說有言其父囑之曰我已矣汝輩當見快活時豈知樞閣三四十年猶未得見多是市中提瓶人言倡優尚有五百餘亦有旦望接送禮數又言舊日夜冠之家陷於此者皆敗抹舊告為戎首驅役號閑糧官不復有俸仰其子弟就末作以自給有舊親事官自言月得粟二斗錢二貫短陌日供重後不堪其勞語及舊事泣不能已苗守來謁接伴使副使副連一榻南向坐所上苗守設胡床侍其左過盃現酒翼

而退接伴所得私覲物盡貸於此物有定價
責付行人尽取見錢分附衆車以此歲！如
此又虜人浚民膏血以實巢穴府庫又在
京諸處故河南之民貧甚錢亦益少塗中曾
遇蒲筭教杠導之以旗殿以二騎或云其中
皆交子也都管愠其主人貪墨以穢語詆之
又有万福包待制之語承應人各与少香茶
紅果子或跪或喏跪者胡礼喏者犹是中原
礼数語音亦有微帶燕音者尤使人傷歎
十一日壬辰晴賜宴既傳衙使副率三節人具

衣冠出接伴位前对揖而出就褥位与接伴
天使对立三節人立使副後先引使副東北
向間勅兩拜天使烏古論璋傳口宣云卿等
遠持使節來会安元適冒寒威宜加宴勞今
遣具位璋賜卿等宴仍差南京留守耶律成
押宴并賜教坊樂使副舞蹈五拜又間勅兩
拜再傳口宣云卿等來朝安旦遠抗使旌爰
增原隰之華宜有甘芳之錫今差璋賜卿等
酒果使副搢笏跪左鄰义手受賜五拜舞蹈
如儀还立褥位对展次揖接伴退就幕次与

璋茶酒三行再立褥位引接石旦側跪捧表
正使拜跪受表却以授璋仍送上物与之璋
退即引押宴出与接伴拜舞謝恩押宴先升
所側立使副拜舞訖与接伴对行升所与押
宴对展訖就坐点湯端笏離位少立三節人
東北向再拜呼噪升所占位東向南上小立
俟使副初盞罷三節方坐初盞燥子粉次肉
油餅次腰子羹次茶食以大盤貯四十楮比
平日又加工巧別下松子糖粥糕糜果蒸蠟
黃批羊餅子之類不能悉記次大茶飯先下

大棗鼓二大餅肉山又下燂魚醃豉等五楮
繼即數十品源源而來仍以供頓之物雜之
兩下飯與肚羹三下餅子五下魚不曉其意
蓋其俗盛禮也次餅餡三次小雜梳次羊頭
次燂肉次剗子次羊頭假鱸次雙下灌漿饅
頭次粟米水飯大簇釘凡十三行樂次第笙
方響三次升廳餘皆作樂以送亦有雜劇逐
次皆有束帛銀梳為犒使副以下皆離立以
待謝恩或去所賜初不及皆文具耳第十二
行依例勸上中節酒罷三節先就班使副進

第十三行茶罷與押宴接伴謝宴拜表庭下
如儀再送璋土物與璋成互展辭狀即與接
伴對揖歸位送押宴私覲

往回自此每賜宴禮數

十二日癸巳晴五更出驛穿御街循東御廊過
宣德樓側東角樓下潘樓街頭東過左掖門
出馬行街頭北過東華門出舊封丘門虜曰
玄武新封丘門舊日安遠虜曰順常河中有
亂石萬歲山所弃也北郊方壇在路西青城
在路東面南中開三門左右開掖門西開一
門以通壇皆荒墟也北門内外人煙北南門

稍減車行四十五里飯封丘又四十五里宿
昨城縣途中遇老父去女壻戍邊十年不歸
苦於久役今又送衣裝與之或云新制大定
十年為始凡物力五十貫者招一軍不及五
十貫者率數戶共之下至一三千者亦不免
每一軍費八十婚納錢於官以供此費東京
有千戶二十一人各有三四百人共有八千
兵耳有張千戶者向來率其人戰符離一敗
止存數十人坐此除籍為民又言簽軍遇王
師皆不甚盡力往往一戰而散迫於嚴誅耳

若一一與之盡力非南人所能敵符離之戰
東京無備先聲已自搖動指日以望南兵之
來何為遽去中原思漢之心雖甚切然河南
之地極目荒蕪蕩然無可守之地得之亦難
於壑凝也昨城之南有南湖去歲五月河決
所損甚多河水今與南湖通衝斷古路用柴
木橫壘其上積草土以行車馬按東京春秋
衛陳鄭三國之境戰國屬魏東魏立梁州後
周改汴州興元為宣武軍節度使後梁以州
建國升為東京開封府後唐復為汴州晉漢

周 本朝因梁舊汴河古葭蕩渠首受黃河
水隋煬帝開浚蕪引汴水開封縣有浚溝即
衛詩浚都也有沙海戰國策顏率言大梁君
臣欲得九鼎謀於沙海之上蓼堤自睢陽至
此三百里吹臺今日繁臺本師曠作孝王增
築祥符縣有夷門山夷門大梁城之東門侯
羸抱闕於此蔡河古琵琶溝也寒泉阪詩所
謂爰有寒泉在浚之下中牟縣趙襄子時佛
勝以叛有中牟臺是為官渡城曹袁相持之
所陽武縣有博渡沙張良擊始皇於此河決

金堤亦此地長垣縣衛之臣邑孔子畏於匡
古之蒲邑子路為之宰鄆陵縣免段之地也
封丘縣古封父國左傳所謂周以封父之繁
弱賜魯縣有黃池吳王夫差所會昨城屬滑
州故南燕國周公詩子所封左傳富辰曰凡
將邢茅昨祭周公之胤也

十三日甲午晴五更車行四十五里到黃河因
河決打損口岸去年人使迂行數十里方得
上渡今歲措置只就淺水冰上積柴草為路
里餘車馬行其上策策有冰泮聲遇深險處

即有人跪立道傍指示使驅車疾行河心有
沙埤甚闊蓋河決時所淤積者一行人兵車
馬盡於此登舟渡舟底平無蓬屋於船頭品
字用抄雨傍又以大枋為槳併力唱号使副
以下露坐其中分数舟以渡風靜不寒上下
冰合僅二寸許惟通舟處見水面數丈此李
固渡本非通途浮橋相去尚數里馬行三里
許飯武城鎮一名沙店車行四十五里宿滑
州途中有土山夾道塵埃最甚咫尺不可辨
俗號小灰洞蓋前路有甚於此者路西有白

龍潭傍有大碑蓋亦是昔年河決所渚也滑
即古豕常氏之國春秋戰國屬衛負郭白馬
縣本衛國曹邑狄滅衛立戴公以虜于曹袁
紹遣顏良於白馬關羽斬良以報曹公酈生
所謂守白馬之津皆此也有滑臺本郟之廩
近

十四日乙未晴五更車行二十五里至濬州城
外乘馬入城早頓東廊有大碑曰天成橋太
師魯國公蔡京奉 聖旨立濬依山為州子
城據山上故州在今郡城之北紹興初河失

故道蕩為陂澤遺堞猶有存者旧河却為通
途東有黎陽山因以名縣聞上有大佛與館
相直橋之兩岸也馬行三十里過屯子河
出太行沂流而上可至燕山故虜又名清御
河築三橋以濟行者望范公善化二山是日
供黃河鱖魚甚鮮而肥始作家饌道遇細車
自北來先牌云蔡州都廵檢使宅眷與接伴
使有連各下車相見一姬一婦與正使皆胡
跪拱手掬肘為禮然後立談良久而去復車
行四十五里過伏道望扁鵲墓前爰生艾

功倍於它艾經伏道河伏道店入湯陰縣
有重城自此州縣有城壁市井繁盛大勝河
南縣屬相州本二漢蕩陰縣美里城在東南
十五日丙申晴四更車行三十六里至相州城
外安陽驛早頓馬入城人煙尤盛二酒樓曰
康樂曰月白風清又二大樓夾街西無名東
起三層秦樓也望傍巷中又有琴樓亦雄偉
現者如堵大街直北出朝京門牌曰通遠門
皆甃城相即河直甲所居魏文帝後趙石季
龍前燕慕容雋北齊皆都焉東南二十五里

朝歌城紂所都也中出蒿草最久故相纘名
天下俗傳漂杵餘血所化也門外過安陽河
至更衣亭有脊記大金正隆三年八月二十
九日光祿大夫彰德軍節度使開國公鄭建
元移建雖規模甚草然所創見也至此從
便馬行每十里置一馬鋪及所過豐樂鎮居
民頗多皆築小塢以自衛各有樓城西望太
行頗為風埃所蔽土地平曠膏沃桑棗相望
至漳河水縮沙出中夏石子俗傳可以暖腹
南向循河行三四里於陘處作柴橋以渡層

冰峨：中有水甚駛載冰漸以東聞水盛時
至與高岸平闊可數里土人号小黃河北行
沙中又數里復渡一小橋即漳支流也回望
鄴鎮有塔古都皆在其地聞魏銅雀臺故基
猶在昔為縣虜以為鎮矣經講武城猶有壁
壘氣象

入磁州城門與州治相近篆牌字甚穩大定
五年所立過惠政門入禮賓坊又有東溪在
驛之東聞其中是郡庠有士人十餘人夜宿
澄陽驛之東北望見崔府君廟靈星門并廟
棟使副以下焚香遙謁是日相州承應人狀
貌甚偉衣冠亦楚呼問之云姓馬有校尉
名目以少二百千使用一坐二十年不調非
錢不行也既無差遣只監本州酒稅務又
言並無俸祿只以所收課額之餘以自給雖
至多不問若有虧欠至鬻妻子以償亦不恤

且歎曰若以宋朝法度未說別事且得俸
祿券家又得寸進以自別吏民今此間與奴
隸一等官雖甚高未免筆楚成甚活路又本
州以相纈百之分獻接伴

十六日丁酉晴自南京來飲食日勝河北尤佳
可以知其民物之盛否自是不必佳饌矣車
行七十里邯鄲縣早頃有城及樓甚壯皆旧
物也未至三里許有旧城戰國趙都漳水相
去三十里許漢高祖征陳豨至此曰豨不南
據邯鄲而阻漳水吾知無能為也趙王叢臺

在縣之北上有亭榭馬行四十里宿臨洛鎮
洛河出其下隸洛州永年縣館舍極寬潔前
有大所傍列三節位次所後主席方分使副
位所有脊記鎮圍大將軍充洛州防禦使護
軍開國侯食邑一千戶實食封一百戶吾古
論三合重建吾古論意即烏古論虜語訛耳
三合曾以兵部侍郎來泗州理會俘虜人又
聞虜中有三等官漢官契丹女直三者雜居
省部文移官司榜示各用其字吏人及教養
者亦以此為別道傍數處賣酒皆掘地深闊

可三四尺累塊止風以禦寒一甌貯酒茗筥中
為望石炭數塊以備煖盪河朔之朴如此道
中有一照尸棚虜俗行有死者不埋立四木
高丈餘為棚其上以荆棘覆其尸以防鴟梟
狗鼠之害立一牌以記其名姓年月有人識
認則從便葬埋否則任之

十七日戊戌晴車行三十五里過沙河縣屬邢
州縣有重城換驛行二十五里至邢州今榜
曰安國軍甕城三重入門直對州衙東入邢
臺驛早頓過七教坊椽木巷立節坊成義坊

熙暉樓市津牌額多寫般作馱有大塔十三
層寺宇亦雄壯北門外陂塘冰厚尺餘商疊
岸上如柱礎然青瑩如菜石三里至柳溪唐
柳公權遺跡亭榭數所引溪水載之高岸流
觴曲水為邢臺遊觀之地東北有邢山出邢
沙碾玉所用也過沙河教處春夏間皆不可
徒涉四十五里宿內丘縣沙河縣漢襄國縣
地邢即春秋邢國衛滅之戰國屬趙漢常山
王張耳後趙石勒皆都焉勒陷冀州張賓曰
襄國因山憑險形勝之地可都也內丘亦屬

邢有干言山詩所謂出宿于：飲餞于言者
十八日己亥晴車行六十里栢鄉縣早頓曰
堯山即栢人也漢高祖心動不宿之地六十
里宿趙州道中過漢光武廟有塑像坐而侍
者四人云是宰相不著姓氏壁間畫二十八
將廟屋止一間廊廡故基甚廣碑石露立者
凡四一開元十九年本即進士李云撰范陽
盧規書一開元廿二年立皆對偶文也餘皆
本朝所立有二石人皆腰斬道傍俗云光武
歆北渡漳沁有二人捧呼水以進行數里恐追

危衣者得其蹤復還斬之或云夜遇二人問途
不應怒而斬之已乃石也行十里由王郎城
縱廣約數里去趙州五里使副以下現石橋
、有石欄高二尺餘上分三道下為洞橋兩
馬頭又各為二洞傍為小亭板閣以入石理
堅緻題刻甚衆多是昔時奉使者有云連鵬
奉使大金至絕域實居首選宣和六年八月
亦有天會中回謝大齊使人由題不能及讀
橋上片石有張果老跡四遇一夫自言奉
人間所業云通三史試詞賦論策然褐衣左

枉与阜隸先别上馬入城外驛負郭曰平棘
縣虜改曰沃州春秋属晋戰国属趙後魏曰
殷北齊曰趙隋曰栾為慶源軍節度使臨城
縣有泚水韓信斬成安君於此是日間接伴
使之兄左丞安礼罢為滄州刺史初安礼娶
襄之妹死欲妻以女辭以不當復娶妻姪
強之不可哀怒以抗勅坐之道逢重車三載
鉄餘載板木欲修河橋

十九日庚子晴風車行三十里栾城縣早頓晉
大夫栾氏之邑又七十里宿真定府城外館

館分東西道中見掃帚桑特起林中數尺枝
條叢紐宛如帚狀稍指東南或謂此方有居
民受其蔭者過漳沱河由土橋以行河側有
問凌村以光武渡河未畢數車而冰陷俗傳
河冰隨車而拆故以名自河以北每五里許
必有小舍或在古塚上每夜輪保甲十人宿
其中以伺察行者真定在春秋時属鮮虞國
為晋所滅戰国属趙漢為恒山郡文帝改常
山本中山國之東垣陳豨將趙利守此高帝
攻拔之改曰真定元和改鎮州五代改曰真

定府唐叛將李寶臣王武俊王廷湊等皆據此

二十日辛丑晴歌泊任駟

二十一日壬寅晴賜宴東館口宣云來持使節遠冒寒威宜放在鑄之恩以示禮賓之意又云遠涉道塗衝冒霜雪爰加勞勩宜錫芳甘天使日斜卯德永押宴日虞加福禮悉如汴京但第三第四行及飯遍使樂人舞旋大茶飯中有沙糖熊白使副下食人趨進尤肅押宴下人李泉等執禮數語具語錄泉撻條子

六十其後三人各三十每一下必令毒打十下易一人不惟三節人快之雖都管監門吏卒皆怒其生事无不稱快夷俗雖好勝要可以理屈也安得為開州刺史以治行文道中頗讀莊子故臨事間有可現然貪吝很慢不知何以有政声益知北方守令難得循良者二十二日癸卯晴四更車行七十里飯新樂縣尤繁度古鮮虞國也又四十五里宿中山府靖康之禍真定中山皆固守不下中山城外猶有敗城圍之虜所築也此地堯所始封戰

國初為中山國魏文侯使樂羊伐取之以封
太子擊反燕慕容垂移都後魏為安州唐改
定州城門曰昭化甕城三里甚壯城濠有流
冰過信利鮮虞高陽三坊各有小樓又有
明月樓道傍夏重車有先牌云輔國新授西
京同知伯守子城門亦雄偉曰中山門兩傍
亦有挾樓入門東行百餘步入驛子城西門
曰夕陽樓即望長安詞所作之地北去又有
仁教化原二坊負身安喜縣令姓夾谷酒名
曰九醞曰瓊酥

二十三日甲辰晴天氣清寒方思近火四更車
行五十里望都縣早飯縣有城樓又七十里
宿保州城濠甕城皆三里城約厚十餘丈門
曰鷄川負郭為保塞縣馳曰金臺燕昭王遺
迹也馳西城上有亭曰富覽御莊園在西北
四十里過鴻福院三門有樓崇積倉道西有
小門榜曰教女直齊州樓曰順天軍馳在州
治西南馳分東西供炊如法屋宇寬潔初至
望都探聞虜酋近打圍曾至此自改人家粉
壁畫標寫禁約不得採捕野物曰傳為禁殺

下令至此乃知燕京五百里內皆是御園場
故不容民間採捕耳 皇朝初置保塞軍以
升為州政和三年為清苑郡望都堯母慶都
所居堯山在北慶都山在南登堯山見慶都
山故名望都

二十四日乙巳晴五更車行四十五里至安肅
軍南城外上馬由城中又入北城馳朝食軍
本處城縣屬易州皇朝置靜戎軍以改為二
城甚固南城南門三重北門一重為安肅縣
治有雄威營二所北城兩門各二重二城之

間有濠塹水櫃積冰甚厚方取以入窖又有
祥光塔福善寺食罷又乘馬出北門過一大
廟或云北嶽行宮車行二十五里過白溝河
又五里宿固城鎮人物衣裝又非河北比男
子多露頭嬾人多者婆把車人云只過白溝
都是北人人便別也此曹雖久淪左袵猶知
自別於夷虜如此尤可嘆也

二十五日丙午晴五更車行三十里定興縣卑
食縣本黃村近以為邑今歲九月方築城四
旬畢工雉堞甚整獨門樓未起卯舍亦初造

始待使客于此又六十里至涿州漢高帝立
涿郡魏文帝更名范陽新城縣有督亢陂漑
田号為膏腴即太子丹所獻督亢地圖也入
宣清門過釋迦普矣堂商稅務范陽縣樓入
子城：元門上有清風樓又傍土累為高臺
左曰迎月樓右曰棲霞樓州治在道西門庑
陋甚館驛尤湫隘天使高德亨傳宣抚門虞
友益賜銀合湯藥銀合二十五兩藥十貼皆
客路所資以紅綾為貼有曰每服一榛子大
如南方之比梧子也錄其語如江勅某知會

朝歲旦蒙犯寒威眷惟將命之恭有加勞勩
宜錫衛生之物迎致冲和今差入内侍御
直郎虞友益賜知湯藥一銀合往當祇受故
茲詔諭想宜知悉冬寒知此平好否遣書指
不彀及二十五日勅某複名不忝姓副使也

姓名

二十六日丁未晴五更車行六十里良鄉縣早
食因宿道中以瑠璃河或云刘堤是岸為水所
壞又迂行二十里方抵縣：有城門二重衙
在道左驛在北門墻下有大防山

二十七日戊申晴風大作抵暮不止四更初車
行六十里過瀘溝河至燕山城外去燕賓館
百餘步使副上馬三節具衣冠隨入館中亭
子館伴傳銜正使起復正議大夫都水監上
輕車都尉安定郡開國伯食邑七百戶賜紫
金魚袋梁肅副使廣盛將軍尚書工部郎中
上騎都尉廣平郡門子食邑五百戶徒單
子澄肅兼押宴曰琮賜宴李昱金賜酒果酒
九行罷入城道傍无居民城濠外上岸高厚
夾道植柳甚整行約五里經端禮門外方至

南門過城壕上大石橋入第一樓七間无名
傍有二亭兩傍青粉高屏牆甚長相對開六
門以通出入或言其中細軍所屯也次入豐
宜門樓九間尤偉麗分三間由東門以入
又過龍津橋三橋皆以石欄分為三道中道
限以護窅首長所行也龍津雄壯特甚中道
及扶欄四行華表柱皆以燕石為之其色正
曰而鑄鏤精巧如圖益然橋下一水清深東
流橋北二小亭東亭有橋名碑次入宣陽門
樓九間分三門由西門入會同館在內廊

之西南向入館門使副與館伴立馬下節人
後互聲兩喏傳示訖分位張鉉祝問琮口宣
云遠持使節已次近郊宜示宴慈以彰眷遇
是金云遠乘輅傳已次因門宜有寵放以休
勞勤鉉云會朝歲旦弭節宴亭爰念勤勞宜
加省問

二十八日己酉晴風止申錫單賜酒果口宣云
已休候館將造明庭方修進止之儀宜有甘
芳之錫閣門副使左光慶到館說朝見儀
二十九日庚戌晴天明行司捧國書上馬前行

使副上馬與館伴並行入見館之西有門二
外皆民居宣陽門內街分三道中有朱欄二
行跨大溝為限欄外直柳麗人西下二館在
東與會同館相對立馬門外俟使副一行既
過方相繼而行長廊東西曲尺各二百五十
間廊頭各有三層樓亭護以綠欄干廊有三
路貫其中南路兩門外皆民居中路无門而
路甚闊左為太廟右為三省北路左門外有
屏牆夾道中有中府南向右門入六部蓋在
三省之後也正門十一間下列五門号應天

門左右有行樓折而南采樓曲尺各三層四
垂采樓城下有檢鼓院又有左右掖門在東
西城之中兩角又采樓曲尺三層初出館橫
過馳道皆却益三節人至東廊北頭下馬使
副至在掖門皆步而入左掖門以爲敷德門
其東廊之外樓觀羣飛閣是東苑西廊有門
即大安殿門外左翔龍門之以敷德以爲集
英門兩門左右各又有門集英之右曰會通
其東偏爲東宮西有去廊中起高樓即大安
殿前廣祐樓也會通門內之西廊即大安之

東榮爲麗夏茶泥幕次其以爲承明門北向
相對爲昭慶門東爲集禧門西即左嘉會門
之後相對有右嘉會門其中即大安殿後宣
明門之前待班幕次在其西敷德之西門及
會通承明左嘉會比日所由之路也入宣明門
及仁政殿左門在隔門外當中立俟百官裹
見退即左入殿下大氊上上有一品至七品
牌子蓋是其朝著也氊中有大花鳳使立鳳
花之中副在其右大殿九楹前有露臺虜主
坐榻上儀衛整肅始如塑像殿兩傍廊二間

高門三間又廊二間通一行二十三間殿柱
皆衣文繡兩廊各三十間中有鍾鼓樓垂紅
綠金漆簾簷簷頭皆掛綉額庭下有棗林井亭
二宣明門三仁政殿側門二皆列戟殿門外
衛士二百人分立兩階皆戴金花帽錦袍宣
明門以外直至外廊下除麗夏幕次前皆甲
士青綠甲居左執黃龍旗紅綠甲居右執紅
龍旗外廊下皆銀鎗自左掖門以入皆金鎗
執鎗者具裝間以執弓矢者一被七分中人
依一柱以立每數人必以一女真衣皂繫絲

衫者部之凡門屋下皆素隊挾弓矢大門四
十人小門二十人惟人政左門用甲士皆自
未明分立訖見退無有移動者是日麗夏使
人同見麗使三綱衣冠如本朝一賀正一
謝遣使一謝賜羊酒上節襪頭犀偏帶中節
折上巾犀束帶下節獻頂巾犀束帶皆紫衫
夏使二綱一賀正一謝遣使皆以王子為正
使戴金冠製作甚工朱袍蹠蹠狀貌甚偉副
使衣冠如麗人三節皆不入見推髻被髮小
巾尖帽皆夷服也夏人進禮物十二床馬二

十疋海東青七細狗五亦旅于庭馬嘶狗吠
頗亂朝儀隔門在殿門後簷下上以木雕為
銅瓦小拱甚巧麗隨門五間每間朱門四扇
金釘粲然入見如儀受衣帶而退就館賜茶
酒左宣徽使敬嗣暉押伴賜宴之禮押宴與
正使對坐接伴使副坐押宴下副使對二者
之中唯茶酒則小異本是殿上置酒及就館
安排必以兩府為押伴押伴廟坐使副接伴
對坐兩傍立班及對揖位次必差向前嗣暉
雍容莊重而善承接嘗使于我及記朝儀以

歸虜中典章禮文多出其手曰為宣徽力諫
亮南收削籍為民裒立復用之

三十日辛亥晴賜宴館中元顏宗嗣賜宴烏古
論璋賜酒果元顏彥相宴：罷館伴送蒲萄
酒

建國

玫瑰先生文集卷一百二十

北行日錄下

四明樓

鑰大防

乾道六年庚寅正月一日壬子晴使副率三節
官從望拜兩宮交賀禮畢上馬與館伴同入賀
由應天東門步入東廊幕次中大安殿門九間
兩傍行廊三間為日華月華門各三間又行廊
七間兩廂各三十間中起左右翔龍門皆垂紅
綠簾庭中小井亭二幕次與高麗使相鄰西夏
使相對省客茶酒罷已初錦衣衛士又益以青

攻媿先生文集卷一百二十

按四庫有拾遺

鑰大防

東門門步
入東廊幕次中大安殿門九間
兩傍行廊三間為日華月華門各三間又行廊
七間兩廂各三十間中起左右翔龍門皆垂紅
綠簾庭中小井亭二幕次與高麗使相鄰西夏
使相對省客茶酒罷已初錦衣衛士又益以青

錦袍五十餘人列立大安門庭下百官排班朝
日太子為班首四拜約近三百餘人既罷客省
引使副由月華門隨百官班入賀太子錦褥四
鎮以銀猊出衆班中立次宰執親王次有十餘
人皆金帶紫袍使副立西偏肅與子澄亦在此
列意是以館伴之故不然即官卿監不應如是
之少也其後又有二百餘人預宴者除親王宰
執四十餘人餘皆賀畢先退訖事凡五十七拜
五次舞蹈二十五拜初入班并三次上御酒各
再拜上罷壽唱與卿等同慶又四拜功壽酒兩

次共四拜初登殿就坐致語宴罷各兩拜酒七
行第一行宣功在坐兩拜第二第四第六行獨
功使副各兩拜每宣功必先離位而立播笏受
蓋赴坐宴罷謝恩拜于殿上又拜舞于丹墀而
退進御酒時却不起立餘皆如本朝之儀衛士
甲卒如入見時殿下砌階兩道鎗子郎君紫衫
幘頭執柱斧佩弓矢刀劍面殿分立凡五十人
間柱斧中嚴鎗刃皆軍官子弟也大安殿十一
間朵殿各五間行廊各四間東西廊各六十間
中起二樓各五間左曰廣祐後對東宮門右曰

弘福後有教殿以黃琉璃瓦結蓋號為金殿間
是中宮殿上鋪大花氈中一間又加以佛狸毯
主座并茶林皆七寶為之卓幃以珍珠結網或
云皆本朝故物卓前設青玉花六朵者果用金
壘子高疊七層皆梨瓜之屬其次皆低釘細果
傍設玉壺以貯餘酒未至時覆以真紅繡衣既
坐八人皆公裳舁以前分兩翼却行以退榻前
服玉帶者八人太子許王對坐次二丞相餘不
知何人其後各金帶者六人使副使副與左右
丞相對在玉帶之南稍後自金帶以下皆用銀

器榻後照屏画龍如本朝頂為大金龍盤其上
餘十間皆結罍頂小拱三層皆以金為小龍間
置其中曲折皆釘以繡額壁柱衣繡幃中各有
龍又有金香猊金龍山各二露臺三層兩傍各
為曲水石級十四最上層中間又為澀道亦覆
以氈上壽酒時太子獨至澀道下捧盃以進者
三山棚起十一峯號仁壽山、下栽松柏并裝
桃李各十餘株大獅象各一背負七寶又以絲
索繫棚之前為小獅子二以蔽其杙弘福廣祐
之前又各為絲樓三間三節人宴東廊下高麗

使次之西夏使與對二國三節人雖預宴不拜
于庭其餘廊屋皆垂黃沿簾伏甲其下殿前都
副點檢完顏仲烏古倫元忠二人各執柱斧率
其徒十人立御榻兩傍東西向榻後近侍八人
各執其物終席不見宦者每上國主酒係宣徽
使敬嗣暉等互進以金托玳瑁碗貯食却只爨
以金釵紅木淺子令承應人率尔持進其礼文
不倫如此樂人大率奪本朝惟杖鼓色皆幞頭
紅錦帕首鵝黃衣紫裳裝束甚異樂聲焦急歌
曲幾如哀挽應和者尤可怪笑宴罷歸館

二日癸丑晴張鉉賜分食圖克坦通賜酒果圖
克坦通舊作分食二盤一盛大肉山以生葱枣
徒單通今改栗飾之其中歲一羊頭一盛茶食糖糯粥粟飯
麥仁飯皆以枣栗布其上晚大風作

三日甲寅晴風益甚赴花宴于大安殿大率如
元日加酒二行五行後四趨國主先起百官出
就簪花剪綵為之惟栗枝甚异或四或二長二
尺許花為襟色狀如錦帶翹起幞頭四角後垂
柳四枝是日風既暴狂幾不可行花葉飄墜者
往有之少頃六趨國主復坐又四行而罷是

早見黃土鋪道中由左翔龍門出應天中門折而東向知國王以元日謂原廟云

四日乙卯晴躬弓宴張倬賜生餼高蕙賜宴完顏高賜酒果完顏仲雄押宴仲雄于進趨酬應一無所能手有雕青細字蓋以射選借官而未射雖不能命中而善于發矢人多服之酒七行各分位換窄衫束帶將出射宰執遣右司張汝弼傳語問俘擄人事退既使副及館伴射弩仲雄射弓射堞設庭下上函火珠夾以小飛鶴二下函一絲架以承射帖夾以大立鶴二綠竹數

竿帖上初為銀椀五每頭二矢少頃加四花二矢押宴館伴因信使副知閣五人以次執一矢起揖以射皆坐胡牀庭下分列錦衣金帽衛士五十人樂人立其左又衛士一人為押宴執弓矢二人為館伴過弩一人端箭二人立堞側唱箭射每中則面廳偃立撒手振粟樂使唱打著即樂作否則以拍捺後手見曉初中時先望闕拜賜衛士以元矢穿所中銀楪引賜物過其前就坐共飲勝者酬酢必遍然後復射楪子重三兩中角花者隨所中而得中的者奉九楪得之

以其一與唱箭者初中亦如之使副拜賜之後
但欲成禮即已伴使志在于得抵暮不肯休屢
謝止之方已兩廳過弩者各以二楪酬其勞易
衣就座又二行而罷俾口宣云遠將慶幣來會
春朝方休徒御之勞宜有餼牽之賜蕙云長途
遠屆使事告成將覲射御之容宜示宴私之寵
高云已成使事將向歸途宜有珍頌以彰寵遇
五日丙辰晴入辭仁政殿客省茶酒既罷引使
副欲入而閣副云合自下入辭遂復回幕次乃
引三節人拜賜宣明門外次引高麗西夏二使

及使副至隔門外夏使已出麗使方辭少俟至
丹墀下面西立俟通班面殿方拜唱有敕兩拜
又唱賜衣帶鞶馬足段等又手左跪受賜以賜
目納懷中就一拜舞蹈五拜再唱賜酒食又五
拜升露臺少立舍人兩行各三人各揖以入欄
子內副使躬身使少前拜跪受書却行與副使
齊立躬身俟傳示訖復退行三步左下丹墀再
面殿立躬身聽唱好去由右而出賜茶酒五行
于館韓鋼押伴
六日丁巳晴先發麗車行使副率三節人同館

伴出至燕賓館賜宴完顏元賜酒果完顏宗安
押宴仍差安德德裕送伴盡借回程私覲送從
之車馬欲行安德方呼其家人以細車般所得
還家如木綿之類復載至汴京滯留至晚方行
燕山本召公所封秦滅燕以為上谷郡武王封
堯後于薊即薊縣也二世時韓廣自立為燕王
項氏封滅荼高帝封盧綰皆都此太行燕山大
防山綿亘千里隱然一都會金又以宮室侈大
之古所未有也又改曰大具府其守為尹車行
六十里更盡宿良鄉縣

七日戊午晴五更車行八十里涿州早食又六
十里宿定興縣

八日己未晴五更車行六十里安肅軍早食又
四十里宿保州

九日庚申晴陰風有雪意四更車行七十里望
都縣早食又行五十里道中看大龍桑小龍桑
宿中山府

十日辛酉晴四更車行五十里新樂縣早食又
行七十里宿真定府道傍老嫗三四輩指曰此
我大宋人也我輩只見得這一次在死也甘心

因相與泣下

十一日壬戌晴賜宴張汝說口宣云復將指使少憇中途宜示宴慈以光行色又云使命改轅介藩弭節宜頌寇賜增重皇華同知真定尹田鍾吉押宴

十二日癸亥晴三更車行六十里棗城易驢馬三十里飯趙州城南樹上有芦蓆裏一人云是強寇李住兒自賜王時作梗劫人婦女以要財物至是以弓弦斷為弓手所捕挑脊筋挂樹上死矣直候支到賞給方取下埋殮又六十里宿

柏鄉縣與去偽以馬前行再讀光武碑

十三日甲子四更車行六十里飯內丘縣天明

雪作至晚方止又四十五里宿邢州北門曰拱

德

十四日乙丑霜子下天明開霽四更車行二十

五里至沙河縣易驢馬又三十五里飯臨洛鎮

食後與去偽馬行四十里宿邯鄲縣雪後塵清

盡見太行山色邑中沿街作燈洞頗可現

十五日丙寅晴車行七十里磁州早食灯火尤

盛出門輿車有折軸者隨使副乘馬過漳河登

車六十里至相州使副復上馬入城灯洞不如
磁州之多而工巧過之秦樓街尤繁華自北門
至南門約七八里許士女多靚粧擁現有食店
挂一灯上為胡羊中橫一瓠下為經一卷蓋河
朔人語音以羹為經也宿城外安陽駟把車人
言去年十二月方差使一番為年時被蒙子因
炒舊時南畔用兵盡般軍器在南京今却般向
北邊去三月中般用牛三千頭般未盡間被黃
河水漲後且休問驢馬價云驢上等有直四十
千者馬更高貴舊時家：有馬賜王南征畫刷

去不知幾萬匹祿來都是行歸而今又殃我
等貴價買問絹帛價云好絹每疋二貫五百文
絲每兩百五十文並六又有云越王不平其弟
為儲國主曾以女小底十人賜之遜謝不受云
他日生出孩兒來亦無用處蒙古國作梗太子
自去邊頭議和半年不決又且歸今又遣莫都
統提兵去軍子云我輩三四口種少麻足豆了
得吃舊時見說廝殺都欢喜而今只怕簽起去
彼此休廝殺也好又有云我見父母說生計人
口都被他壞了我輩只喚他做賊應河南北錢

物都般向裏去更存活不得
十六日丁卯晴四更車行三十六里飯湯陰縣
又七十五里宿濬州安德暮夜叩門送私覲
十七日戊辰晴風三更車行二十五里三角路
上換驢馬一路可入滑州又四十五里武城鎮
早飯馬行至黃河去程所行李固渡口以冰泮
水深柴路不可行又稍上三四里先橫過中渾
上入水牽挽數里拋過南岸待車舡至方行循
河至浮橋邊掃岸又行荒草陂澤中四十五里
宿胙城縣

十八日己巳晴三更行四十五里飯封丘短牆
為城人烟寥落便遠不及河北日未午又行四
十五里抵東京北郊青城側亭子換馬具衣冠
所過柔遠館但有斷垣敗屋入順常元武二門
二門之間過五大河菜市橋夷門山巷口百王
宮乃煬王球場親從第一指揮舊日御龍直也
由竹竿巷口斜街入第二門土市馬行街皇建
院巷德勝橋轉太廟巷口東行相國寺出御街
歷廊屋三十間過權貨務又廊屋七十間中有
小門是國子監前後御廊尚多不知其數投西

穿門由舊路入駟

十九日庚午晴收銀絹十疋兩赴宴完顏元賜宴酒果南京路都運梁鉞押宴。罷行四十五里宿陳留縣

二十日辛未晴車行六十里至雍丘縣早飯臨川駟又行六十里漸行汴河中宿拱州襄陵駟城外客旅往來人家頗多入城舊有橋河流既斷築堤以行子城內舊是州衙今以屯軍有三箇千戶約有千二百人

二十一日壬申晴四更車行六十里飯寧陵縣

永寧駟又六十里宿南京甲士數十甲馬百夾道而陳城門去駟稍遠馬如未時之數而行甚疎意屯軍亦不甚多也是日日有四背氣又白虹貫日日在壬癸荆生言其應在北

二十二日癸酉晴四更車行四十里飯穀熟縣又三十五里沙岡換驢又四十五里宿下邑縣會亭鎮

二十三日甲戌晴四更車行七十里飯亳州永城縣又六十里宿柳子鎮聞有天使往山東簽兵人不肯從執天使殺之

二十四日乙亥晴車行四十五里飯宿州臨渙
縣蘄澤鎮早頓又四十五里宿三州汴河底多
種麥

二十五日丙子陰晴車行六十里飯蘄縣靜安
鎮又六十里宿靈壁夜微雨作即止

二十六日丁丑陰晴三更車行八十里飯虹縣
又八十里宿青陽鎮駟

二十七日戊寅晴四更車行八十里飯臨淮縣
過縣即見龜山塔及淮山一行已不勝喜躍矣
又六十里宿泗州自臨淮即依淮西行

二十八日己卯晴先發遮擔輿車即上馬出城
使副入草館同去偽先乘馬至河岸舟至首見
季舅洪子度唐季潤及呂葵張吉來收家問喜
極涕下頃之俟行李裝舡了却具衣冠入草館
俟使副茶酒畢辭送伴即行是日大風拍岸良
久方到盱眙謁胡漕龔守不值見王御幹取所
買物譙提轄司馬尚書及姜叔永司馬季聞張
伯淳皆往來交謁後網官屬也宿淮岸
二十九日庚辰微雪早離盱眙過龜山以新制
行淮大風不可進宿淮岸約去龜山數里

三十日辛巳微雪天明欲舟行風又大作力行
而前過瀆頭數里風正北駕浪益急又止宿
二月一日壬午：後風力稍平衆舟齊行迨暮
僅能入洪澤舟人交口相賀昔蔣魯公開運河
六十里以避長淮之險所活不知幾人中間歐
家渡最淺使人往還非借潮于神不可行官司
憚開河剝載之擾創議行淮使舟終四往返無
不驚虞此行至三宿淮上波湧舂撞有魚腹之
憂魯公今丞相曾祖為發運使將入奏計自洪
澤至龜山率一二里輒鑿一井以測地之土石

既得請遂開運河前輩用心至矣可輕改乎
二日癸未晴過淮陰夜過楚州

三日甲申晴過寶應

四日乙酉晴過高郵

五日丙戌雨以沿路水澀寸進甚艱夜宿木鋪
埧裏季潤過樣真俞縣尉茂先相見甚款

六日丁亥雨晚晴昨晚以礼物舡與前舡軸輻
相觸斃一篙人至召伯埭使副捐金使瘞之晚
過揚州是夜礼物舡為暗樁所敗漏發而人不
覺同行楊劉羅三人蒙被登岸舟已沉矣抵瓜

州宿

七日戊子晴渡揚子宿丹陽館下侍季舅同去
為見陳待制及魏子智其內子展參賀執禮甚
恭金山印老相見渡艇中

八日己丑晴城中水澀良久方出門直過丹陽
縣及城呂閘

九日庚寅晴天明過奔牛閘午後過毘陵

十日辛卯晴天明抵無錫使副謁蔣丞相罷即
行喻郎中訪及任富未知諸舅未迓直宿楓橋
十一日壬辰晴過平江城外午後過吳江久苦

淺澀至是大風駕太湖水入港張帆而行陳表
兄張子家丁表兄胡子淵相見

十二日癸巳晴天未明到秀州同去偽尋見王
江陰值送女陳宅未歸見直甫于卧內謁鄭景
元判官同年不遇已聞仲兄見次到解宇一現
出門李同年主簿相見于郵亭王表弟澤同行
數里而歸讀江陰奏狀無不擊節稱嘆直過崇
德抵長河閘

十三日甲午晴天明起見諸親午後過臨平赤
岸晚泊閘頭使副入仁和館受傳宣賜銀合茶

葯因出所換還醮青詞宿稅務下發家書附進
十四日乙未晴使副上馬赴朝參舡入北關以
小舟般載歸舅家一見至親喜氣自倍而歸具
益勇矣是夜與諸親劇飲醉甚仲舅有詞走筆
次韻二闋
十五日丙申晴侍季舅同去偽謝曾知閤不遇
又謂范文甚款

十六日丁酉晴士穎弟攝蕭山尉別去胡春自
娶女來收景山兄書飯後出謂吳太博胡給事
陸寺丞陳大諫薛國正芮司業張大卿林編修

尤宗丞始聞銅坑之議

十七日戊戌晴謂閤丘監丞欲問坑治之詳不
值同去偽智叟侍叔舅陳表兄以小舟見陸子

山留飯而歸赴景孟舅晚飯被酒先歸

十八日己亥晴飯罷赴梁參政呼召客次遇蜀

士郭倅甲馮太丞仲夷

十九日庚子晴吳太博盧監簿連日招飯皆力
辭之治壘行李雨作買舡

二十日辛丑小雨即晴諸親作醪泛湖五十餘
分以水淺不可傍岸盤旋湖中抵暮醉歸

二十一日壬寅雨赴范丈晚飯

二十二日癸卯雨侍仲舅往延祥現醮筵同上
中節兩焚香致敬齋罷各散與去偽小舟自湧
金門歸先遣承局吳蓋行發家書

二十三日甲辰雨先發行李下舟兩返方畢使
呂葵張吉宿舟中期以來早啟行以舅家挽留
又展一日

二十四日乙巳晴去偽生朝仲舅與諸親同作
慶偷間謁李恩州授般運法是夜大醉中拜辭
諸親

二十五日丙午晴早作被襪辭舅家轎行七十
里由暗門由赤山出穴和塔下至廟山登舟宿

富陽雨作

二十六日丁未晴雨作復止風逆寸進至三江
口東風微動方理帆忽西風再起甚効力挽至
桐廬凡行九十里過青溪

二十七日戊申晴東風張帆過鸕鷀原釣臺下
伴伯原風止過烏什大浪灘十五郎灘大浪最
可畏雖以水漲不見灘磧而歧頭水怒良以方
上居民以小舟束助刺舡什伍為羣以輕舟止

用一人方當湍流忽隨篙墜水現者胆落而少年善泅如履平地復登舟助力犒以百錢而去宿東館凡行九十里去巖州二里

二十八日巳酉雨大作午間加以西風水又盛長舟人疲于牽挽屢止復行晚雨止風定至烏歧灘下宿小港中總行三十餘里

二十九日庚戌晴風亦止但以水漲寸進遇一歧輒移時方能冒險以進懸崖飛瀑所在見之雖快覽勝處至凌犯怒濤亦可駭也所白雁二歧尤暴怒又過橫流數處夜同衆舟宿桑林間

隔岸望鄉頭終日驚險勞動止行三十餘里夜水益長至五更方少退

三十日辛亥晴舟子早起候望前路黃泥岐不可上復回數里尋路避之沂流行亂林間半日方出大溪晚至蘭溪先以劉子與李尉由懸崖五夫李以庚辰登科其子遂夫又癸未同年便訪逆旅繼往見之宿客舍

三月一日壬子風雨早起束裝飯後李尉來訪即行又飯竹馬館晚到婺州首見趙金華子濤不值徑入郡李直舍省景山兄周教授汝能雍

無錫希稷相訪周與景山兄同官雍同舍也借
周直舍安泊少選待景山兄過周之五柳堂
本蕭侍御振所建詩碑尚多畫得双溪之勝王
察推柵亦未訪同飲劇談至二鼓方歸
二日癸丑雨待景山兄見李使君衛留來日一
飯客次遇解節推延運是日景山兄周趙雍王
釀就五柳相招早飯又坐養原堂無畫藏台人
陳文季應周之故人也同坐解推又約晚飯六
人徑自五柳赴之李知錄張羨烏同集于酉退
軒琴棋投壺坐客皆醉李糾又約未日來早飯

三日甲寅雨待景山兄同周教授謝李使君客
次遇唐正字仲友遂復還無畫藏同出梅花門
過浮橋數里迂蘓倉嶠歸見唐正字歸李發五
担付張吉先歸待景山兄赴李糾飯坐清遠樓
景物尤勝同會七人解張雍王酒三行李守速
客即往赴之劉判院藻陳子厚同集小候自公
堂坐半政堂勸酒移忠堂酒罷劉先歸余四人
復過五柳手談清飲夜分乃散
四日乙卯陰晴微雨間作早別景山兄即行三
十五里飯摩訶樣又行數里過麗水林丞良過

娶鞠獄相見逆旅宿楊公橋永康界首行八十里

五日丙辰晴過永康數里飯至李溪過承局持家書來接晚過黃壁

上卷乾道五年十月二

二十里宿和尚店去李溪枕二里此云過永康數里飯至李溪晚過黃壁似黃碧與黃壁係

一處而碧壁互異姑各仍原文

六日丁巳雨過縉雲邑官相迓皆謝之獨見李

同年又送過大溪而別縣得四夫又荆山寺四

夫輪番舁轎冒雨登馮公嶺至天寧寺已昏黑

仲兄器之仁甫不愚元聲漳張子質相接先行

也。還家拜二親燈下上下無恙歡教相聞喜可知

田



